

聊

齋

文


集

硯香居士鈔書

聊齋文集卷之四

聊齋文集目錄

卷之四 共四十一則



救過  
重信  
輕利

淄川留仙蒲松齡著  
錢塘蔚人邢保文鈔

納益

遠損

釋怨

戒戲

為張邑侯上鞏昌府啟

武定知州請奚林和尚啟

為燕及沈兄邀客小啟

上王司寇書

與韓越老書寄定州

代畢刺史答陳翰林書

與楊松年書寄舞陽

與王鹿瞻書

為衆紳祭唐太史約石先生文

代畢

張氏路侯文

代韓

祭高必寧祭蔡先生文

代畢

史祭劉少宗祭源長文

代畢

史祭新城王太翁文

代信

輝祭韋若佩文

代畢

祭李行及王漁洋先生文

代韓麗老祭畢刺史載績先生文

代沈靜老祭程夫人文

代畢解元公權祭揚州戴孺人文

代畢常仲祭岳母文

代畢刺史祭王阮亭夫人文

代畢刺史祭中翰王隴西先生文

祭麗

祭李

祭新

祭新

祭王

祭檀斯文

祭內弟劉子壯文

張視旋悼已詩題詞

聊齋文集卷之四

留仙蒲松齡著

正心 為人十二則

正者反乎邪之詞也。今有人於此。共指之曰。彼邪人也。夫其耳目口鼻。皆與人同。而人共鄙之。以其不正者在心耳。甚至骨肉之間。亦用機械。家庭之內。亦蓄戈矛。故令人接其步履。畏之而不敢不防。聽其好言。亦疑之而不敢相信。孟子云。人之異于禽獸者幾希。幾希者何物。即心中一點之正氣也。無此一點。尚得

為人乎哉。凡人忍心動則欲害人。貪心動則欲作盜。怒心動則欲行姪。然當其一念初萌。自己未嘗不知其邪。便當急轉。使之隨起隨消。以正人與禽獸分界之處。只在人之自定。為人之念定。邪言不得而惑之。禽獸之念定。良言亦不得而勸之也。



立身

立者卓然自樹之謂。要於仇怨之叢。立得身牢。風波之中。立得  
脚定。所與者皆正人。所為者皆好事。使知我者愛。有我而不恐  
傷。仇我者忌。有我而不敢動。此方可名之曰人。或有持籌握筭。  
閉戶自封。倉內粟盈。床頭貫滿。此亦可以自立。而十里之外。無  
人知其姓名。五族之中。多不識其面貌。微偉無事。以圖苟安。此  
僅可謂之人。而實不足為有無也。更有不可為人者。上不能讀  
書稽古。以獲清譽。下不能勞心服苦。以致濁財。畢瑣之場。呷三  
盃濁酒。土堊之旁。嚼兩餐灰飯。見博友淫朋。則呼兄喚弟。見正

人君子。則消沮閉藏。品行日乖。而家產日喪。當下成何模樣。將來作何結束也。

勸善

凡人做淫蕩甚易學。勤苦恒難。如讀書耕田。捐貲濟困。以安飽  
之身。置之困苦。以血汗之財。贈之他人。用其力而心苦。脫其貫而心  
痛。此不獨甚不肖者而後難之也。然雖固難之。而心中未嘗不  
知為善事。未嘗不嘆為豪舉。設倘有人焉。鼓舞而慙。慙之則  
原有是心者。其志益堅。原無是心者。其心必動矣。故勸善必  
資乎朋友。蓋朝夕與居。其情洽。則其言易入。凡隱微之事。不可以  
告父母者。而可以告吾友。艱難之事。不可以信他人者。而可以信吾  
友。設朝與之言詩書。暮與之言道義。則孝弟忠信之詞。浸人肺腑  
矣。古人云。不知其人。視其友。有以矣夫。

徒義

徙者善以適彼之謂。如人棄其舊宅。移于新堂。見所當為。則急就之。勿復留戀。凡人自與飲博者游。遂覺一日不飲則不快。一日不博則不安。設博徒酒友。數刻不至。則行住坐卧。則無所可定。有道義之士。坐設文字。則心中厭煩。去之惟恐不速。及至閉戶讀書。焚香靜坐。數日後與卷相習。則脾胃頓更。設文講道。津津有味。若市井之役。再至則面目可憎。恨不批其頰而逐之。矣。凡事類然。明知其為安宅。而猶因循破屋之中。不早遷移。亦惑甚也。

急難

急難為兄弟言也。而朋友亦有之。古人云：得一死友，蓋一日定交，則生死以之。勞何辭，怨何避焉。友為五倫之一，平居可與共道德，緩急亦可與共患難。其在我，扶其困，既其不在我，扶其兒孫，此之謂石交。設華堂之上，滙血傾心，一旦風波四起，闕然盡散，坐視其顛危，而漠不置念，五倫中亦何貴有朋友哉。故古人擇友，則兩相關切，若酒肉飲博，相與往還，此黨也，非友也。

救過

人非聖賢孰能無過。過而能改。斯無過矣。第人或處于崇高之地。身不聞忠言。或居于孤陋之鄉。目不睹正事。所為非義。竟有習為固然。而不自知其非者。此則賴有擇善之良友。彼迷于聲色。我醒之以冷浚。彼發於暴怒。我解之以寬和。忠告善道。斯為良友。然于燥熱之中。忽澆冰雪。則豁然悟者。其勢也。而拂然怒者。亦其常也。設不以我為德。而反以我為仇。此其大惑不解。宜勿深辨。祇宜奉身而退。待其興盡悲來。時窮禍至。應必泣然流涕。曰。吾早聽其言。必不至此也。至于此時。吾雖痛吾友之敗。猶

不愧吾友之情也。若阿諛唯諾。以取容悅。友之瘡虜。未必不喜。我之能搔。迨至千人所指。無疾將死。回視當年。某人在側。曾不一言。于是呼名痛罵。小人。小人。至是我何以為人矣。

重信

經云、人而無信。不知其可也。故丈夫不輕然諾。甚至以兩國之  
交。不要於盟誓。要于季路之一言。無他。以其信也。或有杯酒投  
洽。慷慨相許。人方久待。而我已忘之。此尚可以為人乎哉。更有  
妄誕之物。信口噴波。不由中出。望風捕影。恍如目見。乍聞之似  
乎可聽。再遇其人。則視如禽犬。故引之鳴犬。以作笑端。亦可哀  
也。又或人有懼心。則造函信以嚇之。人有喜望。則造吉信以欺  
之。竊笑竊指。自鳴得意。如其小小相戲。猶可言也。倘事有關係  
則人命之端。由此而致。殺身之禍。由此而取矣。夫信者實也。無



在可以不實。而獨歸之朋友。蓋父子兄弟。信固可以相親。疑亦可以不懼。獨朋友以疎逖之人。而相與聚處。即披瀝肝膽。尚恐不能見信。若覆雨翻雲。誰猶以之為人哉。故范張于三年前訂鷄黍之約。其日其時。彼既不忘。此亦常記。古之人重信如此。

輕利

凡人無事不資乎利。貧窮則父母不子。富貴則親戚畏懼。利固不重乎哉。所謂輕者。亦非揮金如土之謂。古人云。用當其可之。謂餘不當用。而用固為蕩子。當用而不用。亦是財奴。每見相與之不終。多因利起。計算錙銖。遂成嫌怨。往々而然。其或一時慳洽。慷慨推貸。在受者曰。我必速償。在施者曰。是區々之物。何勞挂齒。迨過期不至。而吝情難忍。追索漸急。而仇怨遂生。至于以而推貸之義。何在乎。反不如吝之于初。止得一鄙細之名。而猶不至仇恨之深也。我謂借人以物者。即當念此物之不必復還。

其還也便如拾之。如其不還。我固早已安之矣。故吾願天下受人與者無時而忘。亦願天下之與人者。漠然而忘之也。天下受小利者恒多。人償我恒低之。我償人恒昂之。一低昂所損無幾。而人則歡然頌德矣。此非處世之一道乎。

納益

何謂益。我有所迷。一言而使。我悟。我有所疑。一言而使。我解。凡一切勸我善。規我過者。皆益也。而貴乎我之能納。或富貴之人。止覺己尊。才智之人。止覺己是。父執之友。呼我以兄。台猶嫌其不以伯叔親愛之人。譽我以顏閔。猶嫌其不以仲尼。不譽之極。則不樂。而況乎規之哉。吾恐有道之暗矣。其無知也。書曰。滿招損謙。受益志得意滿。必非長進之人。趾高氣揚。便是鮮終之物。每見喪其行名。不保其首領者。皆此類也。

遠損

何謂損。如貪財獵色。損人之德性。奇技淫巧。損人之精神。博賭游蕩。損人之資。產鬪訟無賴。損人之品行。以等事當避之。如垢膩。以等人當畏之。如蛇蝎。一不遠。則受其漸染。而不自知矣。若我為之。而反不禁我者。此邪僻之流也。我未為。而以是誘我者。此禽獸之類也。與此為徒。則其為傾家敗德之子無疑矣。嗚呼。匪人固匪人也。交匪人者。亦匪人也。兩匪相交。則交俱匪人。而至匪則匪。而不可為人矣。

釋怨

夫人風馬牛不相及。則何處起怨。也者。即非隣里故舊。亦必與我相識者。也。即有鶩爭之爭。睚眦之恨。亦當原其情之偶。誤諒其心之無他。方怨懟初起時。使平心自念。想己之不是處。則盛氣可減一半。又追想曰。此其祖父與我周旋最久。以其平時與我好。事固多也。則大怒全消矣。且氣生則益有。當逞強時。頗覺自豪。而過以一刻。却有無窮煩惱。事不擾則全無。當忍辱時。甚覺難受。而過以一刻。却有一片清涼。況怨不釋。則仇益深。我慶人之灾。人亦必樂我之禍。怨相尋。何時已乎。倘有肯先施者。喜而賀之。悲而吊之。患難疾病而扶持之。其有不感化者。非人也。我奈何不感化人。而待人之感化我也。

戒戲

詩云朋友攸攝。以威儀。蓋友必敬。而始能久。每見今之交好者。相逢嘲罵。喧闐滿屋。鄙俚之語。不堪聽聞。彼輕之。我重之。彼重之。我益甚之。卒之激羞成怒。唧怨不解。遂有以數十年童稚之交。一旦而成切齒之恨者。豈不可笑之甚哉。市井之詞。固涉惡道。尖巧之語。亦屬輕薄。一笑闐堂。自覺快意。不知人能勝我。則反覆益甚。人不能勝我。則慚恨不解。以此為戒。不惟交道可全。亦免禍之一端也。

為張邑侯上鞏昌府啟

伏以朱帷霽雨。風清渭水之波。皂蓋飛雲。露洒漢陽之樹。未入  
穀函之界。已聞杜召之名。幸托餘光。榮依廣廈。恭惟台臺。靈鍾  
天壽。秀挺漁陽。翡翠集床。甚得烟雲之氣。雷霆在手。即生鱗甲  
之輝。聽訟吳山。愛留棠影。築堤淮海。水障桃花。懷似水之心。門  
戶喧而成市。出如神之智。刀劍化而為牛。露冕遙行。百萬戶胥  
沾化雨。福星一照。十七城盡被弦歌。白鹿隨車。識嵩城之不久。  
御屏題字。知捧檄之匪遙。共舟楫而濟川。抑亦三生之幸。誕風  
流而作牧。寧非同舍之光。某芻牧小臣。催科舊吏。三年久宿。徒



留崇樹之思。一線微雨。叨贊芙蓉之幕。學飛之龜。原自無長。  
避董之蓼蟲。但能習苦。馬曹冷沒。異風月之分輝。沙塞迢遙。喜  
樓台之近水。如有吹噓之至。即變寒谷風烟。倘逢拂拭之加。便  
作暮城雷雨。既備下乘之足。願共蕨薇。如上大羅之天。幸同僚  
采。伏希丙炤。不盡寅悰。

武定知州請奚林和尚啟

竊以智燈吐照。發三昧于香林。意樹生苓。脫十纏于甘露。故元宗既暢。而山鳥聞禪。清梵時揚。而吟猿獻果。破微塵于宇宙。寄妙義于言詮。道有階梯。功無際岸。大師雪山羅漢。鷲嶺仙人。石室出家。垂鬚拂履。生公上座。聚石為徒。粉碎頑空。心淨琉璃之地。津梁大道。舌發珊瑚之光。說偈則金玉成音。翔步則旃檀散馥。清風卓朗。名士披其素衿。直響孤騫。徽音流其雅緒。仁王閣外。聊轉寺主之銜。菩提坊前。小建維摩之室。博物君子。知會理之能精。慧業文人。卜成佛之最早。簿書俗吏。錢穀冗襟。衙鼓頻

過。苦塵情之細碎。驚行迭進。須老子之婆娑。偶於上剎聞禪。忽  
入清涼之國。時向高壇侍坐。如披妙鬘之雲。喜蓮社之可親。幸  
螺溪之不遠。人迷覺路。芻狗方陳。衆入機坑。燈蛾未已。若闢靈  
炤之戶。則擎海波澄。如解法藏之藤。則紅塵夢滅。因思行住坐  
卧。可作道場。鱗介昆蟲。莫非佛子。肯捨輕筏。可指淨土之津。異  
布慈光。伴識幽途之曉。風動幡動。待棒喝之靈機。就日就窓。設  
沉檀之寶座。覘柏枝東指。望飛錫之將來。見溪水西流。識傳燈  
之欲續。誦碧雲之什。已驚香象渡河。廣金口之宣。莫教獅子入  
窟。說滅度法。打破聖域之關。現慈悲身。拭盡俗人之涕。于閻浮

之界。狎海鷗鳥而同居。看摩尼之珠。雜曼陀花而並落。因人施  
菩薩戒。隨地成夜摩宮。齒齒吹芬。遙聞天上。楊柳沾露。徧洒人  
間。剪燭花於曹溪。啟鑄。高于柰苑。蘭缸列照。覺天地之通明。藻  
綬四垂。見五衢之異色。佇看趙州所至。盆斗焚香。公超或臨門  
人成市。自有傾風之侶。袒右肩而來。忽訝折腰之人。聞晨鐘而  
去。但使生、世界。悉入喜園。萬、恒沙。同浸定水。則功德林內。  
不憂魔殿之崔魏。而阿耨池邊。永見火宅之撲滅。

為沈燕及邀客小啟

淋氣撩人。青草襯彫欄之色。晴光撲面。黃鶯傳綉陌之春。梨花樹頭。花猶帶雨。丁香枝上。香欲隨風。只逢人世二難。已堪倒竿。况有歌兒數輩。雅善過雲。不追春夜之遊。難免花神之笑。恭惟八日。具集同人。采雉牙籌。定教呼殘夜。月。紫樓玉鳳。當令叫破春愁。願君跨竈而來。遣僮掃榻以俟。

上王司寇書

尺書久梗。但逢北來人。一訊興居。聞康強猶昔。惟重聽漸與某等。竊以為刺者不入于耳。則瑱者不榮于懷。造物之廢吾耳。正所以寧吾神。此非惡况也。不知以為然否。蒙惠新著。如獲拱璧。連日披讀。遂忘寢食。間有疑句。俟覆讀後再請業耳。適有所聞。不得不妄為咨稟。敝邑有積蠹。康利貞。舊年為漕糧。經承欺官虐民。以肥私囊。遂使下邑貧民。皮骨皆空。當時噴有煩言。渠乃腰纏萬貫。赴德不歸。昨忽揚。而返。自鳴得意云。已得老

先生荐書。明年復任經承矣。予是一縣皆驚。市中往往偶語學  
中數人直欲登龍赴愬。某恐攪撓清況。故尼其行。果係門下紀  
綱。諭請吳公別加青目。勿使復任漕政。則浮言息矣。

與韓越老書 寄定州

握手話別。忘却幾易寒暑。而蒼者已化而白矣。仕途黑暗。公道不彰。非袖金輸璧。不能自達于於聖明。真令人憤氣填膺。欲望然。眾向南山而去。聞吾兄敝履軒冕。親朋皆吊。弟獨快之。竊與令壻言。倘尊岳有浮海之游。其負蒲團以相從者。非他人必余也。既而聞士庶之號呼者。絡繹於道。則大喜大慰。喜者何。喜夫特達之知。未必不由於此。慰者何。慰夫平旦之良。雖喪于冠裳。而幸于夫婦。則知我者尚有蒼生。何憾哉。當淵明歸田時。



設有此攀轅。亦未必不勉為五斗留也。昔王喬以仙作令。豈他  
有異偉哉。亦以無地非修行耳。弟雖不達時務。惟思世無知己。  
則頓足欲罵。感于民情。則愴惻欲涕。利与害非所計也。吾兄想  
亦人情。無煩親友怪詫矣。久踈修候。聊以寄懽慰之情。便訊興  
居。瞻切何已。

代畢刺史答陳翰林書

古人一日之別。猶懷戀恨。數里之隔。輒動相思。况乃天限南北。真成異世。鍾情如我輩。誰能不邑邑者哉。憶握手狼山之下。同舟邗水之間。我未暘陰。君猶茂齒。縱飲雄談。歡呼徹曙。直欲揮白日。使停晷。止參斗。使不墜。每一文成。壹肩擊節。追隨晨夕。使人樂而忘疲。不虞我輩。聚首遂為天公所妬。廣陵把袂。悲緒紛來。每一念及。難為胸臆。願乃鑼鼓收場。反蒙繾綣。桃花潭水。未足言情好也。獨是王孫啼去。僅有鶴琴。倦鳥飛還。惟存松菊。年裘作侶。康康為曹。忽十七年。不覺龍鍾殊甚。于思猶故。但所

異於昔者白耳。倘今日復相邂逅。恐乘車者不能認戴笠人矣。  
嗟。自分年老氣衰。無復豪思。心則歷陵枯木。髮則睢陽亂絲。  
三餐外。非山中六七旬人。所宜過問。遂於世事。多所聾聵。客歲  
偶閱邸抄。乃知弁冕詞林。此中欣慰。如獲異寶。雖猶是于縶關  
場中。作冷淡生活。然讀書稽古。庶知蒼者。不相背負耳。私心  
竊擬申賀。不圖高雅先施。致音書于窮谷。灌乎薔薇。喜泪交并。  
孔集老友。奄然物化。忽蒙訊及。彌深涕零。遂因鴻便。聊附尺帛。  
土物。少當遠音。臨穎神馳。不盡欲言。

與楊松年書寄舞陽

竄朗至得悉清况。洋溢政聲。樂聽不倦。憶曩年無三日不聚。一見。毅然握手磅礪。惟恐其去。自飛。奮騰達竟。未一踐潭府。殊屬缺然。所以然者。素有褊心。即生平闊切之友。迨其既貴。則遠之。更不敢以衣裾復撒其門。不待其以老生見絕也。何意簿書勇午時。尚以割席者在念。世豈有古道如此者哉。接手翰詞。義綿惻。感動心膂。又以佳玩。遠惠媿悚如何。同門硃卷。開卷讀半幅。便知為名士。向中州風氣少衰。今知良馬無地不生。特無方孔。準能相之耳。向聞循良之聲。流傳河朔。竊為欣慰。指日京鄉。為

吾黨生色。且跋予望之也。便鴻致謝。可任佇切。

與王庶瞻書

客有傳尊大人彌留旅邸者。兄未之聞耶。其人奔走相告。則親  
兄愛兄之至者矣。謂兄必泣然而起。匍匐而行。信聞于帷房之  
中。履及于寢門之外。即屬訛傳。亦不敢必其為妄。何漠然而置  
之也。兄不能禁獅吼之逐翁。又不能如孤犢之逆母。以致雲水  
茫茫。莫可問訊。以千人之所共指。而所遭不測。同人猶或涼之。  
若閃親訃。猶俟棋終。則至愛者不能為兄諱矣。請速備材木之  
費。戴星而往。扶襯束歸。雖已不可以對衾影。尚冀可以掩耳目。  
不然遲之又久。則骸骨無存。肉葬虎狼。魂迷鄉井。興思及此。俯

仰何以為人。聞君諸舅將有問罪之師。故敢漏言于君。乞自早圖之。若侯公函一到。則惡名彰聞。永不齒于世矣。涕泣相道。惟祈原宥不一。

為衆紳祭唐太史豹岩先生文

嗚呼。城郭猶故。人民頓非。眼看埋玉。昔人所悲。而况一木折而  
大厦傾。一人死而氣運衰。即婦子之無知。尤輟春而涕洟。矧親  
承乎警效。忍見其脫屣而長歸。緬維太史弱冠雄飛。蜚英執苑  
珥筆。鳳池志不安于縮項。願遂適乎拂衣。迨其歸也。承顏事親。  
提耳教弟。臨流賦詩。登山蠟屐。文如金翅。學海什如明錦。鋪地  
大業垂于千秋。聲施及乎百世。雅愛文人。尤憐才士。苟一蕪之  
微長。輒稱揚而不置。晚歲多更。益饒經濟。羅斗宿于襟懷。森矛  
戟于胸次。為公任勞而不辭。為民叢怨而不避。無念不為。蒼生



無事不存。豈第陳民隱于大僚。道循良以撫字。往一部屋之愚  
氓。陰受福而不知。其自尸祝者。徧山城望其見滄桑之三易。年  
過七袞。步履猶輕。縱飲尚能一石。揮麈每至三更。又得踵息之  
仙術。謂其可以不死而長生。乃前夕猶把琰而對飲。次日遂奄  
然而長瞑。仙人無疾而終。日尸解意。必厭塵世。而歸太清。嗚呼  
悲哉。老成凋謝。梁木摧崩。河山變色。風月無情。衣冠遂無領袖。  
里社竟絕典型。值大庭之公議。嘿相見而無聲。烏爰止于誰屋。  
徒遺恨于冥冥。倘乘烟而遨戲。尚俯視乎嚶溟。俾得一廣能之  
宰。更祐其拔薤而無嬰。

代畢氏闔族祭芳文先生文

嗚呼我兄。弱冠知名。飛黃上第。通籍禁庭。為牛刀之小試。初製錦於汭城。業風行而俗美。期三年而有成。夫何時命屯蹇。晏被惡聲。夷然解綬。飄而歸耕。一轍草碧。兩袖風清。田園如故。松菊猶青。奈成群之齋馬。離芻豆而全傾。居官之貪。亦可徵已。迨後涼暄。冬日飢饜藜藿。美至插標於市上。就傭保而授經。放老馬于曠野。鳴枵腹于長更。或言其害黃金而不用。而貌為寒餓之情。嗟呼。百歲幾何。漏盡鐘鳴。誰肯凍餒殘軀。而虛博貪賤之稱。此事之難信。而人言之不足聽也。獨是我兄。貧且益堅。老而彌健。

讀史窮經。寒暑不倦。常作時執。以教兒曹。偶成詞。以貽親串。一  
皆出古入今。博洽淹貫。且年來行步益奔。精神倍煥。晤對之咳  
唾如常。清和之容光未變。竊意天既予以困頓之遭。必將假以  
期頤之筭。我衰祚之式微。賴典型之僅見。夫何一病不起。天人  
遂判。悼柱石之忽崩。遂甲科之遽斷。舉族為之黯然。共哀哀  
而如綫。羣歎金而釀酒。為荒郊之一奠。

代韓樂州祭高少宰念東先生文

張子初有銘尚

嗚呼先生。海岳鍾氣。粹渾化身。文章道德。超絕群倫。維蘭芬而  
桂茂。遂連鑣而逸塵。公乃擣藻玉堂。飛纓殿陛。歷任華清。屢典  
要職。戶施行馬。門橫棨戟。一朝麟鳳。當代柱石。荒服誦其精章。  
長安傳其佳什。身登臺閣之尊。志在江湖之側。委笏而去。拂袖  
遂東。樂烟霞之嘯傲。嗜劍舄之雍容。已忘龍尾之道。不懷長樂之  
鐘。乃一旦徵書交迫。不聽其眠。熙世之高春。東山再起。補秩司  
農。不修幅于衫履。寄大隱于朝中。聖明賜休。角中還第。綠野携  
觴。東山載妓。書卷怡情。筆牀興寄。名山繫馬。情流鸚鵡。徧蠟屐

此賦亦不  
能去不令

之芳踪。樹文壇之赤幟。慧業文心。尤闡宗義。降摩尼於兜率之  
天。散空花于瑠璃之地。直欲使苦海澄波。慈竹照世。寓勸懲于  
俚諺。皆慈悲之妙諦。邇年來登期頤之大壽。倦藍輿之清游。因  
閉關而願養。遂絕客而潛脩。雖則外門事置不入耳。而百里之  
雅俗。賴坐鎮乎喧湫。以中大有人在兮。狷者亦願忌而少休。  
胡為乎玉魚符下。東壁星流。曾旻天之不弔。遽華屋而山邱。嗚  
呼。某以錦川之鄙人。附婚媾于公子。日受謦欬之薰。何止廣厦  
之庇。訃音忽來。沾衣何已。斃繫一官。悲瞻梓里。絮酒盈卮。將此  
淚耳。祖奠松門。侑以蒿里。

代畢刺史祭劉少叅源長文

嗚呼少叅。上應奎壁。賦質英敏。研讀益力。品格無雙。文學第一。試輒冠軍。世無與匹。每一藝之流傳。為儒林之膾炙。迨夫名魁桂榜。第擢蒞宮。分錦疆于京地。留遺愛於花封。三年殿最。漸返丹楓。爰司行人。用代天工。旋蒙恩于帝簡。典棘闈于粵東。摸索者皆為沉謝。而一時之馬群以空。未幾受聖明之眷顧。揚芳纈之清風。陸九陳書。匡衡抗疏。議重闕廷。章傳道路。既而替糧於閩。力疾分布。出納井井。無斁無惡。潔清自將。朴誠共慕。歷任顯秩。無改儒素。對故舊之窮親。無絲毫之貴裕。原澹志於軒冕。復

自憐其垂暮。遂角中而東歸。信碧山之不負。杖履往來。東陌北  
阡。論文課讀。綽有餘閒。恒閉門而却掃。無車馬之囂。里人忘其  
為觀察之貴。邑宰不知有林下之官。喜膝前之令器。皆階上之  
芳蘭。行將破壁。不久冲天。如大德之必壽。應見滄海變為桑田。  
待不知名之孫子。向汾陽而問安。何仁者之壽數。僅俟龍章之  
賁于九原。嗚呼。秋蒂忽零。魚符遽下。棟梁摧崩。老成凋謝。邈茲  
山河。俄然松楸。斗酒澆墳。涕泣盈把。

代畢刺史祭新城王十二太翁文

嗚呼。鄰笛之感。人情共悲。龍鍾之老。衰腸易摧。而况五十年童  
稚之交。三四世婚姻之好。而一旦人天永隔。生死長離者乎。嗚  
呼。某也。生而不才。長而乏德。謬與不祿之長兄。共作乘龍之貴  
客。時一過夫桓臺。得一見夫顏色。握手慇懃。懽然相得。後同客  
乎京華。又戀、于晨夕。兩夜連牀。花朝共席。懽脫形骸。笑傾肝  
鬲。迨分手而各天。恒懷想而心惻。又其後也。余受秩于五狼。君  
就養于維揚。隔盈、之片水。喜一葦之可航。接清塵於官署。剪  
短燭于夜央。以生平之快聚也。至於倦鳥飛還。雨零風散。幸道



里其匪遙恒一年而數見君家阿戎我之東床往顧嬌女輒共  
設讌不則尺素雙鯉南鴻北雁於往復之行人悉眠食之安健  
數年來亦各髦矣而垂老之情彌深縷縷豚犬不才謬承青馬  
聯秦晉于宮簷要堅盟之旦前男長而後孫子皆曾附清門  
為姻眷雖則掌中珠碎為懽不永而我兩門之情好亦可見矣  
嘗燕語于閨門共室人而計筭念太岳之宗支亦盛衰而各半  
每屈指至公家輒嘖嘖而稱羨謂福壽之如公當必受天公之  
券惟庭桂之兩推令泠泠而泪泣然而玉樹成林蘭芽復舊看  
槐棘之發祥卜嘉禧之無限况以君寶之風徽京陵之家範芳

躅懿行。天人共贊。道百祿于遐齡。應海枯而石爛。夫何去等飄  
風逝如驚電。正頤養之日隆。遽同穴于一旦。嗚呼。自弱冠而相  
好。又重之以婚媾。懽携手以偕老。庶報德之有鄰。今偃倮再而  
至。館閨寂其無人。望丹旆以徘徊。涕泣流而沾巾。携隻鷄與斗  
酒。開祖帳于荒榛。留飄颻之風駕。慰瞻望之慇懃。

代信姪祭蘇若佩文

蕭、落、水、兮。雪、老、山、容。斂、人、夜、哭、兮。冰、銷、為、紅。理、數、渺、其、難、窺。  
兮。似、浮、雲、之、與、水、月。華、屋、紛、而、零、落、兮。亦、夢、幻、之、與、花、空。仰、中  
河、兮。墜、月。看、半、嶽、兮。推、峯。昨、尚、聞、兮。隣、笛。羌、遠、輟、兮。秦、春、傷、心  
者、泪。又、誰、知、涕、泗、之、何、從、也。嗚、呼、我、公、在、世。淹、費、今、古。學、冠、羣  
英。莫、與、為、伍。期、奮、翻、九、于、霄。或、借、光、于、鄰、堵。况、年、未、強、仕。風、流  
如、許。恐、料、其、為、蜃、樓、海、市。轉、眼、而、不、可、復、覩、也。耶。憶、願、我、于、浙  
中。曾、山、川、之、莫、阻。舳、艫、聲、裡。身、櫻、河、伯、之、峯。滌、瀨、堆、前。竟、斷、馮  
夷、之、鼓。若、佩、往、浙。舟、覆、幾、沒。歌、殘、楊、柳。悉、經、萬、里、之、烟、波。挑、盡

蓮花得共連林之風雨。于斯時也。謂可以投轄終歲。常若笑語。  
孰意歡不終時。悲難僕數。旋二豎之交侵。遂不可以久處。醉十  
日于平原。即餞別乎江渚。然猶歸而病已。或可再晤于荒署。不  
則俟我考滿。尚得聚首于故土。胡旻天之不弔。竟入群玉之幽  
府。嗚呼。豈人事之有方耶。抑天命之靡常耶。豈遮須夷國。今無  
玉耶。抑白玉樓中。少修文郎耶。耶。生諺云。仁人之不長也耶。抑天忌  
善人。故不使之壽。而為殤耶。豈我子無福。故不能太山是倚。而  
逍遙于東床耶。耶。抑君女薄命。今日孤苦。乃所生之不臧耶。予不知

其所以然。第覺生者之痛苦。反不如死者之自得。而徜徉嗚呼  
痛哉。酒壚雖近。河山則遠。鬼燈螢一兮。壠樹雲遮。思君不見兮。  
涕泪如麻。疑真超夢兮。是耶非耶。憐予滯迹兮。天各一涯。為道  
尔宿兮。寄泪于家。山川間隔兮。噫。君莫我責兮。噫。漿在壘兮。噫。  
再舟來格兮。噫。

代畢拔監祭新城王司寇漁洋先生文

天下之士。生有輕於鴻毛。死有重於太山。此其言如河漢而無極也。而余於今日。確信其然。其或家以祿富人。以爵傳澤不及乎。再世名不出乎里閭。其生則榮沒則已焉。如公者。少年擢第。譽滿人宗。德則豐玉。儉穀才則博翠。浮澗言則飛花。祭齒心則皎月光。天出則羽儀當代。處則獎掖後賢。故其存也。山川為之增色。其沒也。天地為之黯然。尔年來老成凋謝。海岱無光。幸風流之不墜。屬氣運于漁陽。有斗南之一士。覺斯文之未亡。天乎。天乎。胡不憇遺一老。而遽變乎滄桑。嗚呼。名流盡歸門下。朝夕。

多賴獎成。咳唾皆為珠玉。四海奉為典型。雖哲人其云渺。猶百代而長生。其仕宦也。始于司李。終於秋卿。日以平反為事。不以醵擊為能。一介之不取。尤受知于聖明。雖三槐之報。尚遲應于駟馬之門。而風雅不替。其去紈袴之貴。已不啻徑庭矣。某因葭莩之愛。締結姻盟。緣狃犢之無福。遂中斷乎赤繩。念老母之臘高。屢承存問。尤令人意感而心傾。然以樾蔭之故。臨穴而切怛傷心者。此猶瓜葛之情也。至夫天壤間少此一人。遂覺乾坤慘澹。風月淒冷。一聞訃而千泪俱下。此非復情之恒也。芙蓉城其匪遠乎。吾隻鷄斗酒而籲奠之。庶達此意於青冥也。耶。

代韓麗老祭畢刺史載績先生文

維名臣之令器。伊青蓮之後身。生聰明而穎異。少秀發而絕倫。方其總角而就傅。已知辨難而諮詢。年方齠齔。日接嚴賓。周旋中禮。遂如成人。冰雪急脊。令之難笑。設息梟獍之嗔。釋褐山右。晉秩江濱。維循良之茂績。難屈指而縷陳。無瑞星誤義。不求伸。遂飄然而歸去。作彭澤之芳鄰。舞綠衣于高堂。見孺慕之殷懇。散橐中之餘俸。周族黨之清貧。或鄉鄰而有鬪。恐見短于陳君。雅好文學之士。門多故舊之親。一經教子。陣冠千軍。鷄林價貴。拔列成均。沐趨庭之嚴教。行光潔而無塵。又如燕許手筆。屈宗



文章茂先博物。荀令留香。有書必為校閱。無物不求精良。興石  
隱之故園。起傲樊之新堂。雖無輞川之水。絕類午橋之莊。科頭  
樹下。鬪奕山房。善尋田園之樂。久灰炙熱之場。在達人之高致。  
應一視乎存亡。乃脫然而物化。亦太覺其匆忙。且以我之堂孫。  
君之東牀。初一言而約好。曾人死而不忘。時藐孤之尚幼。既早  
失乎義方。賴邱山之德。日提命而匡襄。惟其受晨夕之漸染。  
始稍知世味之溫涼。且夫元配孺人。我所自出。葭莩之情。老而  
益密。過從流連。輒更晨夕。同時交游。半登仙籍。予亦龍鍾。衰殘  
多疾。君杖履之猶輕。胡吉遠而函集。九原無相見之日。雲物無

情。乾坤變色。幸階上之芳蘭。已森々而竹立。應于公之高門。當  
蟬聯而不息。但眼看埋玉樹于土中。胡能不潛然而吸泣。斗酒  
使鷄用澆夜室。生平以別。可勝於悵。

代沈靜老祭翟夫人文

木必有本。水必有源。不知其母。請視子賢。嗚呼。夫人。毓瑞偉閭。曰嬪我公。幼嫻閨訓。無矜內則。東海母儀。京陵勤儉。是固夜寐。夙興。內外大小。咸式規繩。嗚呼。噫嘻。誰比其能。嗚呼。夫人。佐子成名。公門。瓊李鬱。葱。文宣之紗常隔。義成之孺將通。叢山蘭渚。梅岑蘆峰。撫浙濤之湧。流芳譽於無窮。胡旻天之不吊。竟築長夜之幽宮。白雲渺。而愁予。萱堂寂寂。其云空。眄波仁之不壽。乃徒餘恨于淒風。豈人道之難齊。抑亦天命之不同。嗚呼。人不能有生而無死。猶天之不能有春而無秋。陰陽消長。終

始互週。天寶為之。其又何尤。塊然之形。雖與尋常而俱化。昭昭之德。並日月而無休。古聖賢莫不皆然兮。亦何必涕泗而橫流也哉。但昔也。捧檄承歡。今也。晦明疇倚。不依稀於音容。想中則恍惚於幽冥。影裏再承言笑。有夢已矣。為人子者。何以堪此。嗟呼。我生不辰。伶仃孤苦。嘗于晨夕。屈指細數。親戚故舊。十不存五。僅有夫人。爰及我母。詎意積警難贖。皇天不祐。奪我母于曩年。遽捨我而歸土。每當北雁晨星。西風夜雨。未嘗不愴心於梧棧。灑泣于環堵也。方策夫人之籌添。嘆我父母之去急。奈何卧病之未幾。遂吉違而凶集。初得道路之驚傳。子歸為哽咽而襟濕。

嗟我兄弟。此岵交泣。何善人之在世。天偏奪其奠之汲。耶。迨夫束芻臨表。瞻仰靈位。回首斑衣。恍如夢寐。賸蕙帳之寂。颺接蓼莪之聲。洎念天命之靡常。不禁其裂腑而酸鼻。嗚呼。夫人悠悠何往。熊丸鮓封。竟屬空想。登堂展拜。我心怏。酌醴酒而哭。奠。彷彿生平于影響。倘九泉其有心。尚髣髴而來享。

代畢解元公權祭揚州戴孺人文

水無停流。樹無靜枝。尺波電謝。柔海星移。城郭猶故。人民頓非。  
死長生短。鬼衆人稀。自古為然。夫復何疑。盈虛消長。數實為之。  
所恨芳蘭與艾同。推堂中人去。行路沾衣。厥悲伊何。失我母儀。  
嗟孺人賦情貞懿。靈根慧業。蕙質蘭姿。女紅餘暇。學禮讀詩。  
機心警悟。入目尋知。風高林下。秀出深闺。高行殊邈。莫可笑夷。  
并年占鳳。薄言于歸。居家克儉。馭物能慈。以勸夫子。澤潤蒼黎。  
萬手加額。眾口成碑。爰崇有主。戒旦伊誰。天心不爽。報以石麒麟。  
懷中玉燕。生而岐嶷。熊丸課讀。母也而師。少年食餼。名貴當時。

一朝千里。鵬繫雲飛。盛德食報。正無窮期。備極五福。誰曰不宜。  
牀笏未滿。萱草先萎。茫茫天道。至此難窺。婺星夜隕。慈燭風吹。  
柩棧故在。室館長離。輟春罷社。婢泣奴悲。藥一棘人。情何能支。  
松阿不暱。幽路恒迷。漫漫長夜。魂兮疇依。靈輶延佇。鬼馬哀嘶。  
千里絮酒。漬不盈卮。生芻一束。物不及儀。因風遙奠。雲物含悽。  
尚饗。

代畢常仲祭岳母文

凡人有德之盛。仁之至。忽而離世。聞者必歎。以哀。此情之恒也。况閔切如毛。裏少受撫摩。而慘遭永訣。更何能已于情也。惟我岳母。生而敏。既媵而賢。且達。孝姑嫜。宜于家人。蓋其賢。淋之德。自性而成也。憶夫泰山勿積。而家無丁壯。外無與援。耽一者環伺之。即竒男處。亦恐棘手而難營也。乃毅然左支而右吾之。教子訓女。奴婢耕織。蓋一人之身。而百緒之縈也。卒之諸孤俱立。長者騰達。餘悉英妙。蓋家日以興也。生平履險不困。蒙難而貞。而其教諸家者。惟以正也。即至族姓之厄喜事者。紛然相



向。而家庭之嚴戒。獨不隨流俗為陷阱也。因而受天之祐。日益蕃昌。而獨是次公不祿。暮遭西河之慘。亦前數之定。年來諸孫翼。而垂白者。康強猶昔。每詢之。輒心喜。謂方坻駢福之慶也。聞初夏時。登壠視稼。既歸。猶與婢子戲。以績相競也。既而登榻。瞑目若寐。遂亟呼之。而已不應也。嗚呼。聞有道者。朝夕焚以脩。但求老死。而無病也。今悠然遠脫紅塵。意必化身青蓮。而又何乎。憾命也。壻假餘福。年近五旬。而懸弧者八。懸悅者一。亦足稱家口之盛也。使再假數年。兒輩已能還往。歲時伏臘。亦少伸吾兩人之敬也。祝望未已。而訃音暴至。誠不禁血泪之交并也。終

天之恨。所際已慘。而還顧予兩人。尚各老母。私心竊幸也。孰意  
昊天不弔。子壻之情。遂以目前為究竟也。今當窆安之期。壻又  
病不能盡一日之禮。惟望南山之墓門。雪涕而交橫也。

代畢刺史祭王阮亭夫人文

嗚呼。婺星夜隕。母儀云亡。俛仰今古。亦孔之傷。某與早世之長兄。皆瑯琊之東牀。因于宜人。之泚德。頗得而聞其詳。玉臺宗子。金屋齊姜。動協矩度。言合文章。于歸司農。泚容端莊。一家姊妹。頌其溫良。一門宛若。挹其和光。即下至婢媪之賤。亦誦德音。而莫忘其左右。于司農也。績燈螢火。常至夜央。搵女紅而不怠。佐夫子以龍驤。方行並美。海內無雙。蒙九重之特眷。近畫省而令香。且其勲政官署。紀理周詳。不羨苞苴之膏潤。而惟勵民者以官方。閨中有金蘭之友。故相得而益彰。至其孝由天性。曲事姑

燁身親組紉。手和桂薑。每受文綺之賜。必奉翁姑。不敢御也。一  
鮮之微。未奉翁姑。不敢嘗也。乃其自奉。惟兩盞之常饌。與三澣  
之故裳。盖作二十年貴顯之命婦。曾沒後無一錢之私藏。若夫  
司農好士。脫屣盈室。作黍烹鮮。畧無倦色。或有挾之不繼。贊金  
釵而不惜。甚至出絮帛以貽高人。脫腕釧而助佳客。此即窺窻  
之逸韻。贈珮之風流。未可比擬者矣。而况值玉樹以成林。皆金  
相而玉質。宜見五桂之榮。始報三遷之德。乃以期功之頻遭。加  
喪明之哀泣。溝不賢之沉疴。遂吉道而函集。誥贈天曹。猶得身  
及。迨夫祭戟鳴鐘。則錦屏中環珮聲寂矣。興言及此。寧不為

於悒者哉。嗚呼。兩門戚好。豈似朱陳。又不鄙鉅兒之寒賤。更復  
託子女為婚姻。待至醮命後。遂屬毛裏親戚。時入室得沐慈仁。  
竊謂義方之餘教。必沾及于坦腹之人。夫何寶瑟絕柱。中箱覆  
塵。抑亦寒門之薄福。寧獨弱之<sup>婦</sup>不辰。幃中香冷。墓上草新。臨穴  
祖送。涕下沾巾。

代畢刺史祭王中翰隴西先生文

嗚呼心柔而泪易墮。年老而心傷。每聞隣笛。惋焉悲愴。蓋以疇昔之所習見。遂不能不怛于存亡。而况閔情如骨肉。眼看莫白骨于榛荒。嗚呼。中翰君。故我家嬌客也。且我室人。君之姑氏。長兄與君亦復如是。而公殉難。君尚稚齒。每來我家。經旬不止。跨竹乘羊。登床上几。偕諸兒而相戲。殆不啻其猶子。竊見其頭角之嶄然也。我兩人輒顧之而色喜。知羽翼之既成。必龍驤而鳳起。迨其振起。螢宮淹賚經史。鳳彩鷺濤。飛霞散綺。輒試冠軍。莫與為比。俄升荐賢之書。驟貴洛陽之紙。尋驥首乎南宮。果芥

拾乎金紫。乃檢書于中秘。為發硯之伊始。無何念老母之垂白。遂陳情而歸里。然以才器之英英。合先人之積累。孰敢謂其食報于福澤者。僅如以而已耶。嗚呼。方拋白紵。未酬抱玉之心。驟駕蒼虬。去作修文之史。亦獨何心。能不悲哉。嗚呼。念我兩門。姻婭重。雖云二姓。無異一宗。君與亡男。又結潘陽之雅愛。自茲而後。更情切而歡濃。而乃遭家不造。惡報相逢。不知種何因于前世。致積怒于天公。拋西河之血泪。洒羸博之秋風。猶幸有君在嘉社。尚無窮。喜長男之少女。雖無父而有翁。每于悲時。一轉念。輒然為之開笑容。孰意中年而遽遊。竟遲速而相同。嗚呼。悲

哉。生存萃屋。今日山阿。荒墳月冷。宿草螢多。茫茫黑夜。鬼雨寒  
莎。側身四望。傷如之何。目前相對。邈若山河。臨風耐莫。涕泗  
滴沲。



祭麗宇韓先生文

嗚呼。含珠墮蓐。黍僅一炊。欺魄沒鳧。夢無兩幻。蓬萊嚴晏。回首頓變。滄桑。祭戟盈門。轉瞬已成。墟墓采雲之散。脆苒瑠璃。朱履之群。長拋玳瑁。雍門之歡。所由來已。而布簞沙牀之士。壽藏且以為圉。青山白雲之人。墓門因而自志。矧夫室燃寶炬。全空劫火之塵。意續傳燈。久醒春婆之夢者。哉。然鶴駕華陰之道。泪掩親賓。獅吼兜率之天。悲傷佛子。死者之樂。生者之悲。悽愴傷心。何能已。惟我韓公。生而穎異。眉目俊朗。人則張緒。楊柳文則謝氏芙蓉。未滿弱冠之年。早展垂天之翼。栽花秦水。製錦鼓衙。

竊幸制府之賢。遂蒙國士之譽。虹霓滿野。雜鳴。單父之琴。蓮華  
挿腰。寶壯。忝軍之幕。益州屬郡。人盡。蚕桑。渤海居民。家無。刀。劔。  
汾陽兵至。不撓。賢令之清。蜀道。鬼興。亦懼。長史之法。乘時。任事。  
得盡。所長。遇亦。僅已。無何。報最。三年。秩移。牛。刺。適。值。制。府。謝。世。  
諛謗。遂興。惠人。聞子。皮之。亡。潛然。出涕。宵小。畏司。隸之。用。吠者。  
成羣。塞。壑。天。道。久。有。投。簪。之。願。翩。幡。誣。啄。適。遂。舞。綵。之。思。身。為。  
逸人。年未。強仕。流德。澤于。里社。何必。服官。施孝。友于。家庭。是亦。  
為政。賢良。學士。義助。新橋。射聲。校尉。仁掩。枯骼。遵。梓。潼。之。訓。尤。  
憐。隻。字。之。遺。設。板。橋。之。漿。非。求。雙。璧。之。報。迨。至。晚。忘。世。味。早。悟。

法門。腦脫十纏。心空五蘊。香山居士。形體如僧。輜水才人。池亭  
作寺。像雕白玉。香聞叨利之宮。地布黃金。影徹水晶之道。既已  
身登寶岸。品證金蓮。為善種其福根。成佛湏其慧業。不意一染  
沉疴。遽離殼漏。析象知凶。宴集族黨。康節觀化。笑別故人。古者  
逃死而去。寄遊鳧于蜂窩。登高而哀。發痴悲于牛首。視此泛容。  
賢愚遠矣。然而黃墟舊跡。迥邈河山。白髮故人。遙想松檟。雖持  
歸于隻履。徒遺恨于八哀。揮涕無從。招鳧何自。臨穴十士半奉。  
倩之同年。野笑千家。盡鄭僑之鄉里。三生石。精魂不滅。還踐村  
門。一斗酒。沃醑相聞。應通泉路。

祭李翁著明老親家文

循良嫡嗣。清白家聲。雄姿俊茂。肩目朗清。幼得夙慧。長擅英稱。  
風情倜儻。志氣縱橫。毫端玳瑁。玉燦珠明。牀頭翡翠。淵飛霧凝。  
蘭襟霞渺。劍珮蓮生。錦鞵耀采。玉壺懸冰。胃臧鱗甲。度納滄溟。  
物如鑑照。謀類竹成。義能排難。信足要盟。見人之急。金帛可輕。  
樂人之善。肝胆可傾。窮戚沾惠。市媪知名。曩依臧好。久寓山城。  
沿人于今。尚誦懿行。嗚呼。德澤如新。仁聲似故。遐想哲人。溘先  
朝露。庭茁芳蘭。階挺玉樹。鳳綉龍章。行先泉路。顯晦由人。存亡  
在數。時有堂房。不如邱墓。已而若存。于天何怒。長公賢豪。遐邇

傾慕。伯弟不才。過承青目。秦晉聯歡。潘楊永睦。葭莩闊情。傾風  
仰溯。瞻望平原。悽愴萬緒。嗚呼。夢長醒短。鬼衆人稀。坟楸露冷。  
螢火星輝。斜陽草瘦。暮雨松肥。窮泉不曉。冥路無歸。仲舒之墓。  
牀子之碑。行人下馬。遊子沾衣。生芻一束。祭酒盈卮。側身四望。  
涕墮如縻。

祭新城王十二太翁文

嗚呼。水閱水而成川。人閱人而成世。悲電謝之尺波。恒奄忽而易逝。月無升而不沉。花無榮而不悴。第閔切者知交。而最難堪者死離。悵河山之渺。誰能不潛然而隕涕。嗚呼。以我交好。如匡廬君。金蘭同臭。契若一人。兩家女兒。迭為朱陳。依清光之末照。悉跬步之芳塵。香名滿乎遐迩。盛德決乎鄉鄰。執一經以教子。悉英妙以絕倫。優劣皆為龍虎。大小總應星辰。一門四俊。三步青雲。其一雖不遇。亦席上之佳珍。筆通靈而入妙。術醫國而如神。苟非常之積德。胡繫。而振。乃伯林二慈。溘先朝靈瑩。

博高阡。刺心慘目。幾殺天道之無知。更怨鬼神之太妬。迨膝下  
之宮詹。蒙九重之眷顧。喜盛德之名賢。享福澤于末路。胡委篋  
以如歸。竟游魂于太素。嗚呼。唯我兩人。齒相頡頏。君既種。我  
亦蒼。衰情相對。繾綣非常。如何奄忽。棄我早翔。冷月蕭索。行  
雲無光。千秋萬歲。為恨何長。臨穴永訣。涕墮滿匡。

祭新城西樵王先生文

桓臺佳士。東海文人。筆卷散采。早達楓宸。分銅章于西晉留遺。愛于汾濱。然而鴻鵠有志。燕雀非倫。薄宦情于蟬翼。戀東山之白雲。辭疾造歸。俛仰自樂。寄意農桑。怡情林壑。田父不妨泥飲。隣翁可以共酌。族黨沐其餘澤。鄉鄰化其素樸。夫何造物不情。鬼神太惡。黍一炊而變悲懼。門三過而成今昨。悼藹吉之仁人。竟九原之不作。嗚呼。離鷺既去。寡鵠含悲。幸母儀之猶在。作懿範于清閨。持家克儉。銜物能慈。聞里黨之藉藉。共傳其桓孟之芳規。即庭前之玉爵。見胎教之晉遺。緬想大德。共祝期頤。爭後



之幾何。遽白首而同歸。嗚呼。孫枝載託。似爲施松。遙聞哀訃。酸  
感心胸。華堂舊設石椁。新封銘旌前。引翠柳雙。泛人天。永隔冥  
漠。難通羊求再至。但見高蓬。墓門一酌。悲緒無窮。

祭王西樵夫人文

玉臺宋子。金屋邢姨。童齡受采。髻歲于歸。言成雅範。動合懿規。禮閑嘖笑。度中裳衣。姑嫜和順。琴瑟靜宜。白雪道韞。黃綃文姬。彌更艱瘁。益篤純懿。德頌鄉鄰。仁及媵賤。金籠助蚕。玉筐迎燕。下訓停机。外恭舉案。夫子才名。為海內冠。桂折瑤宮。雷傳金殿。分政春曹。垂名夏甸。嘯雨吟風。寧忘內贊。鬼神妬羨。天地嫉賢。相如晚病。奉倩早捐。文鴛去侶。寡鶴含酸。河陽蕩古。金屋花殘。遺愁萬種。剝緒千端。如沙在水。專賴君搏。蒼、何意。造命獨偏。延平劍沒。竟相後先。嗚呼。隙駒不留。尺波電謝。倏尔邱陵。俄然

松。擯。鄰。笛。新。吹。里。春。早。罷。老。泪。易。零。悲。心。難。假。葭。芋。情。深。能。無  
歎。咤。祖。送。松。阿。潛。然。泪。下。

祭李檀斯文

於惟親翁。生而好學。風雨晦明。研讀不輟。文比春華。才如秋鶻。視流輩之沉浮。猶鷄群之孤鶴。晝不志于塵冗。夜耽情于邱索。業食蔬而蜚英。堪騰霄而昂壑。顧乃時命迭遭。文章落魄。頻擊不中。翻然改佐。生平耿介。賦性洒脫。即貧時偶缺晨炊。亦不曾乞憐乎杯勺。又其為人慷慨揮霍。排難而解紛。如膚痛而肌灼。重侯羸之一言。無季路之宿諾。因而鄰里故舊。共祝遐昌。望海枯而石爛。兼珂里而笏沐。夫何年未至于耳順。遽委骨于北邙。市人墮涕。行路沾裳。如其可贖。百身代僵。幸其燕山產桂。教傳

義方。列階前之玉樹。并蘭發而瓊芳。卜九原之誥贈。蕤潛德之幽光。亘千古而不滅。復何憾乎彼蒼。

祭內弟劉子壯文

嗚呼。蒼、者、天、往、于、不、可、死、者、而、死、之、亦、獨、何、哉。我、內、弟、之、  
在、世、也。天、性、孝、友。盛、德、溫、和。令、原、謝、世。使、影、婆、娑。值、萱、堂、之、遲、  
暮。故、朝、夕、之、承、順、為、多。其、處、鄉、以、親、睦。亦、剛、正、而、不、可、阿。雖、怨、  
嬖、之、不、避。顧、肺、腑、之、無、他。其、居、室、也。有、陶、朱、之、能。無、孝、標、之、畏。  
慘、澹、商、農。嚴、束、子、弟。守、數、隴、之、先、疇。竟、卓、然、而、自、立。且、俾、安、貧、  
者。知、所、營、謀。不、才、者。有、所、顧、忌。賴、一、木、之、孤、撐。家、聲、于、以、不、墜。  
即、兒、革、之、有、事、于、東。也。相、見、懽、然。握、手、提、誨。葭、莩、之、情。惟、君、最、  
摯。胡、芳、華、之、未、衰。遽、溘、爾、而、長、逝。一、再、登、堂。河、山、迥、異。一、彈、指、

頃。去來今何。能不過西州而隕涕也。喜有令嗣。克續遺風。力營  
寔安。馬鬣高封。某情雖無盡。力則有窮。僅以使雞斗酒。澆諸宮。瑣  
祇臨穴而一慟。作好會之永終。

張視旋悼亡草題詞

渤海與余文字知交。非旦夕矣。時而郵筒相寄。時而刻燭互酬。星聚一堂。輒蒙  
縫。錦。斗。酒。之。風。流。何。意。地。無。窮。鬼。神。猶。美。宵。玉。珮。搖。歸。月。夜。之。鬼。三。月。春。華。謝  
作。雕。欄。之。雨。風。勁。慳。已。歌。餘。香。雨。拈。花。無。復。微。笑。雜。英。滿。地。北。邱。之  
青。土。誰。憐。衰。弱。鴉。棲。東。甍。之。白。楊。嘯。冷。侵。短。燭。暗。鬼。迹。于。燈。陰。寒。食。荒  
郊。呼。兒。名。于。際。燐。火。蒸。而。松。花。冷。山。短。而。蕉。廉。長。夜。之。臺。元。宵。不。曙。九  
原。之。路。青。鳥。難。通。寶。鏡。長。封。誰。倩。張。郎。畫。黛。仙。裙。故。在。可。憐。趙。燕。隨  
風。神。女。乘。雲。頻。來。散。夢。牛。郎。隔。渡。何。日。填。橋。欲。學。滄。海。之。神。逐。潮。聲。而  
來。往。寧。似。羅。浮。之。岫。共。烟。雨。而。合。離。羅。襪。塵。生。籍。不。離。廊。廡。外。珮。環。風



動丁。投在畫欄西。對鏡。幾來。離。鸞。舞。影。窺。窗。獨。坐。仙。子。憐。人。嗚。呼。人。孰。  
無。情。誰。能。遣。此。兒。時。金。枕。殉。堊。薇。宮。嫁。日。玉。臺。遺。存。蕙。帳。窮。泉。迢。遞。無。香。  
未。可。返。魂。幽。壙。蕭。條。小。碑。真。堪。墮。淚。夫。生。離。死。別。能。傷。壯。士。之。心。人。面。飛。花。且。洒。  
情。人。之。涕。而。況。三。年。魚。水。一。旦。參。商。者。哉。因。出。鍾。情。之。論。續。為。悼。亡。之。詩。  
錦。繡。鋪。成。泪。隨。聲。至。心。肝。嘔。出。文。趁。情。生。燕。飛。來。昔。年。之。華。屋。非。故。真。  
真。與。去。重。泉。之。粉。黛。如。生。讀。其。文。如。鸚。鵡。枝。頭。鳴。咽。而。詢。妃。子。吟。其。詞。  
似。杜。鵑。月。下。悲。鳴。而。怨。王。孫。不。吝。瓊。瑤。投。珠。暗。室。弗。揣。謏。陋。增。穢。  
佛。頭。矣。